



Gesinne in Harmonie

Volume 11, Februarie 2012
NG Gemeente, Rietfontein-Suid



Liewe Ouers,

Ek vertrou dat al ons kinders reeds in hul programme by die skole ingepas het en dat die nuwe Graad 1's al aangepas het by die 'Groot Skool' en die nuwe Graad 8's in die Hoërskool.

Verlede jaar ry ek op die 30ste Desember via Upington, Kenhardt en Brandvlei na my pahulle toe in die Clanwilliam-distrik aan die Weskus.

Tussen Kenhardt en Brandvlei val dit my op hoe daar net mooi op die oog af niks langs die pad is nie — net swartgebrande klippe hier en daar. Die pad lê eindeloos reguit vorentoe — en selfs agtertoe.

Soms voel mens dat die lewe ook so eindeloos uitgestrek is en dinge dikwels nie tot 'n punt kom nie.

Soms sit jy met bekommernisse oor jou kinders, bejaarde ouers of moeilike tieners.

Dan word mens moedeloos en voel soos somer net boedel oorgee.

Dit is eintlik nogal normaal om veral aan die

einde van 'n jaar of aan die begin van 'n nuwe jaar te voel of dinge te veel is en of mens net eenvoudig nie by als uitkom nie.

Soms moet mens doodgewoon net 'n wilsbesluit neem om negatiewe en moedeloze gevoelens op die agterbaan te skuif — vir party mense kom dit natuurlik makliker as vir ander.

Maar dit is moontlik — al is dit net een tree op 'n slag vorentoe!

God belowe Hy gee ons elke oggend 'n nuwe begin — kom ons gryp dit met albei hande aan!

In hierdie brief hoop ek dat daar vir elkeen wat iewers selfs net al moedeloos gevoel het oor sy/haar omstandighede, iets is wat jou weer kan laat moed skep.

Mag God gee dat ons almal daaglik bewus sal wees van al ons seëninge en ons oë op Hom gerig sal hou.

Saam in Sy diens,

Lita

NS: Kontak ons gerus deur middel van die details op die agterblad.

Notas vir die yskas

Kleuterkerk en Junior Kategese

08:50—10:15 in Kerkzaal

Februarie -

• 5, 12, 19, 26

Maart -

• 4, 18, 25

Skole sluit 30 Maart en heropen op 10 April

Manne-Oase

- 6 Februarie
- 5 Maart
- Om 18:30 in die Oase

Sluit gerus aan by ons gemeente se Manne-Oase vir geestelike ondersteuning en deel jou wedervaringe en gedagtes oor die lewe en jou geloof met ander manne soos jy!



Ek deel graag hierdie foto wat naby Porterville in die Wes-Kaap geneem is deur Jolene Spreeth.

God gee voortdurend vir ons bewyse dat Hy in beheer is en ons steeds liefhet.

Ons moet net ons oë op Hom gerig hou en heel eerste Sy wil soek.

Alles anders raak klein as mens opkyk en só geseën word met wolke wat jou aan God se grootheid herinner!

Gesinne in Harmonie

Ondersteuningsgroep

Kom deel gerus jou vreugdes, vrese en ervaring met ander ouers soos jy!

Kinders mag saamkom—daar word dvd's gewys om hulle besig te hou.

Moenie hierdie geleentheid mis om saam met ander gesinne te kuier nie!

- Om 18:30 in die Oase
- 28 Februarie

Kerkdiens

Kom geniet 'n Kerkdiens wat spesifiek op Gesinne in Harmonie fokus, saam met jou hele familie!

- 11 Maart
- Om 09:00 in Kerkgebou

*"Under our noses,
before our eyes,
not in the clouds,
not in the sky,
He passes
and we pass Him by"*
Anonymous

Moot Care Sentrum

Louwna Bouwer

Telefoonnommer:

3300632 of 071 480 1178

Epos: mootcare@vodamail.co.za





Gesinne in Harmonie

Volume 11, Februarie 2012
NG Gemeente, Rietfontein-Suid



Vir wie doen ek dit?

In Dr David Jeremiah se boek "*Leef met Oorgawe! - Ontsluit die krag van 'n passiewolle, doelgerigte lewe*", vertel hy die storie van Jack Welch, 'n voormalige hoofuitvoerende beampte van General Electric onder die hoofstukopskrif "Vir wie doen ek dit?"

Jack Welch se woorde oor sy passie en doelwitte in die sakewêreld word aangehaal as:

".....As daar een eienskap is wat alle wenners in gemeen het, is dit dat hulle meer as enigiemand anders omgee. Geen detail is te klein of taak te groot om na te streef nie. Deur die jare het ek altyd na hierdie eienskap gesoek in die leiers wat ons aangestel het. Dis nie dieselfde as lawaierig of flambojant nie. Dit is iets wat van binne af kom. Groot organisasies kan die vuur in mense aansteek."

Die eienskap wat sekerlik die meeste aandag trek as mens nuwe mense leer ken, is hulle passie vir wat hulle doen—of die gebrek daaraan.

Dikwels wonder mens: "**Hoe doen hulle dit?**"

In ons politiek-gedrewe samelewing is die omstandighede by die werk vir baie van ons dikwels nie ideaal nie, maar ons hou aan en hou uit, want ons het 'n huis om na om te sien, motors, kinders, troeteldiere en 'n lewensmaat—hopelik nie in die volgorde nie!

En dan is daar natuurlik die maandelikse lewenskoste wat nie minder raak nie en mens se pensioen waarvoor jy al meer en meer ekstra voorsiening moet maak.

Hoe doen ek dit?

Hoe bly ek gefokus en leef met oorgawe as Christen in so 'n deurmekaar wêreld en veral in die hedendaagse omgewing waar die sake van die dag nie opbouend vir enigiemand se moraal is nie?

Hoe bly ek positief en 'n inspirasie vir ander rondom my as dinge dikwels verkeerdloop en dit voel of ek heelyd oor die hoof gesien word met bevorderings?

Hoe doen ek dit? En vir wie?

'n Verdere storie in dieselfde boek vertel van David Seamands, 'n skrywer en professor aan die Asbury Seminary, dat hy 'n klomp kweekskoolstudente in die kafeteria dopgehou het.

Een middag tydens etenstyd staan daar 'n mandjie bloedrooi appels met die volgende woorde op 'n karton daar langs:

"Neem asseblief net een. Onthou, God se oë mis niks nie"

'n Entjie verder aan die einde van die ry, staan 'n boks met gebreekte koekies. Daar was ook 'n karton waarop 'n student geskribbel het:

"Neem so veel as wat jy wil hê, God hou die appels dop."

Hierdie storiëtjie is vir ons snaaks, omdat ons God ken en weet dat Hy in elk geval alles sien.

Maar is dit nie terselfdertyd so tragies nie? Bevestig dit nie ook maar hoe baie van ons by die werk oor dinge dink nie?

Daar is soveel dinge wat ons dikwels ignoreer ter wille van vrede — dis immers makliker as mens nie teen die prikkels skop nie en net saam met die stroom gly.

Vir wie doen ek dit?

Vir wie draai ek my kop weg as daar bedrog is?

Vir wie werk ek heeldag (en selfs na ure) as ek nooit bevordering kry nie?

Is dit om my eie gewete te sus? Of net omdat ek geen ander keuse het nie?

Hoe doen ek dit?

Is ek heeldag soos 'n beer met 'n seer poot? Kry al die dinge my onder en loop ek met 'n lang gesig rond?

Sien God nie in elk geval alles nie? Het God nie my werk vir my gegee nie? Is dit dan nie logies dat ek dit vir Hom moet doen nie? En as dit logies is—hoe sou Hy wou hê dat ek dit moet doen?

Kolossense 3:23-24

Doen alles soos vir die Here en nie vir mense nie.

Hoe ons ons werk doen, weerspieël hoe ons oor God voel.

Al raak ek ongeduldig en is ek dikwels gefrustreerd, weet ek nogtans dat God ook in beheer is van die bestuur wat oor my aangestel is.

God se oë mis niks nie.

Hy weet wat elke dag in my lewe aangaan.

Hy weet as ek moedeloos en gefrustreerd is; as ek moeg gewerk is en as dit voel of ek my doodwerk vir niks.

Ek weet dus ook dat ek na my woede-uitbarsting om verskoning moet vra; dat ek my geduld moet beoefen en dat my lewe vir die ander rondom my tot inspirasie moet wees.

Maar, niemand sê dis maklik nie!

Nee, dit is baie moeilik en verskillende mense hanteer stres verskillend. As jy 'n swart-wit-mens is wat dinge net of reg of verkeerd sien, is dit veral baie moeilik om die grys areas te verstaan en steeds blymoedig te bly.

Die belangrikste om te onthou:

Ons is in 'n gebroke wêreld en daar is baie stukkende mense en dinge rondom ons.

Maar die Volmaakte kom en sal alles verander! 'n Paradys is vir ons belowe vir 'n Ewigheid lank!

Sien uit daarna en leef met verwagting en hoop en gebed!



Gesinne in Harmonie

Volume 11, Februarie 2012
NG Gemeente, Rietfontein-Suid



Die uitdaging van bouwerk

'n Bekende voetbalafrigter in Amerika, Vince Lombardi, het op 'n tydstip uit 'n baie belowende pos by die 'Green Bay Packers' bedank om een van die swakste spanne in die voetballiga te gaan afrig. Op 'n vraag van 'n joernalis oor hoekom hy dit juis op dié stadium in sy loopbaan doen, het hy geantwoord:

'Ek het ontdek dat dit 'n groter uitdaging is om te bou as om bloot in stand te hou.'

Op 'n vriend se troue 'n paar jaar gelede het die predikant vir hulle 'n hamer present gegee. Die boodskap was: Net soos 'n hamer in bouwerk gebruik kan word, so kan dieselfde hamer ook gebruik word om af te breek en vernietig.

In beide gevalle is die uitdaging van bouwerk gestel.

As die Here nie die huis bou nie, swoeg dié wat daaraan bou, tevergeefs. (Psalm 127:1)

Dit waarmee ons daaglik besig is as ons tuis saam as 'n gesin ontspan, as ons soggens jaag om almal betyds aangetrek en by die skool of werk te kry, as ons Sondagoggende sukkel om op te staan en kerk toe te gaan of as ons by die werk is en die een vergadering na die ander moet bywoon, is dus eintlik alles bouwerk of breekwerk ... jou keuse.

Bouwerk aan verskillende verhoudings het net soveel uitdagings as bouwerk aan verskillende soorte geboue — of selfs meer! Dis immers mense — nie net koue klip- of baksteengeboue nie.

Dis baie makliker om af te breek as om op te bou - daarom is die uitdaging soveel groter.

Ons moet ons huweliksmaats en ons kinders gereeld opbou — dus vir hulle in alle opregtheid help om te ontwikkel tot die beste wat hulle kan wees.

Dit beteken om voortdurend hul behoeftes bo joune te stel, voortdurend vir hulle daar te wees in dae wat hulle nie net met stukkende knieë by die huis aankom nie, maar ook in die dae wat hulle met gebroke harte tuis kom.

Ons is ook daaglik besig met self-opbouing of -afbreking. Dit wat ons dink ander mense oor ons dink is dikwels ver van die waarheid en 'n baie gevaarlike speletjie om te speel.

Satan is heeldag besig om ons op verskillende maniere te versoek om ons lewensvreugde te steel. Een van die slaggate waarin ons baie maal val, is om toe te laat dat ons gedagtes oor onself minderwaardig en negatief is. En natuurlik, as mens lank genoeg hiermee aanhou, word dit later iets wat jy glo!

God het elkeen van ons gemaak en Hy maak nie foute nie! Hy is steeds besig om aan ons te werk - elke oggend gee Hy nuut vir ons en Sy werk sal eers voltooi word as Hy ons kom haal.

Wees dus gelukkig in die wete dat Hy met jou besig is, jy Sy skepsel is - op pad na die beste jy wat Hy vir jou beplan het!

Herinner jouself elke dag daaraan dat Hy jou liefhet ten spyte van jou mates en gewigte, die skewe tande wat in jou kinderjare nooit reggemaak is nie, jou ongeduld, jou onvolmaaktheid, jou verlede.

God het elkeen van ons lief ten spyte van en nie ter wille van nie. Daarom kan ons ons op Sy beloftes beroep as Satan probeer om ons lewensvreugde te steel.

Die fondasie van enige gebou is die maak of breek van die struktuur. Net so is Christus ons fondasie, die Rots waarop ons moet bou. Hy is die Een wat Sy eie lewe vir ons gegee het—die toonbeeld van onselfsugtigheid en liefde.

“Die wyse bou sy huis op die Rots.....
die reën stort neer en die vloed stoot op, maar die huis op die Rots staan vas!”

Mag ons in hierdie maand elke dag daarop fokus om op te bou en nie af te breek nie!

Ons Huisreëls:

1. Volg instruksies die eerste keer wat dit gegee word
2. Hou jou hande, voete, voorwerpe en onvriendelike woorde vir jouself
3. Luister as iemand anders praat
4. Pas alle eiendom op
5. T r e e a l t y d toepaslik op

- Anoniem -

All recipes for
success in life
depend ultimately on
enthusiasm

Ernest J Mchunu

"I CAN'T!
GOD CAN!
I'LL LET HIM!"

**"Neem
verantwoordelikheid
vir jou gedrag,
maar moenie
mislukkings
persoonlik
opneem nie."**

Ewald van Rensburg
(Pitkos met 'n Punch)



Gesinne in Harmonie

Volume 11, Februarie 2012
NG Gemeente, Rietfontein-Suid



Boekwurms

Jy is wat jy lees!
Leer dus jou kinders om te onderskei ook in dit wat hulle lees!

Fliekvlooië

Volledige Christelike resensies vir films is beskikbaar op:



<http://www.kids-in-mind.com/>

Bediening vir Diens

Kontak ons gerus!

kinders@rietfontein-suid.ng.org.za

of

[diens@rietfontein-suid-ng.org.za](mailto:diens@rietfontein-suid.ng.org.za)

1 Korinthiërs 13 vir Pa's

Al sou ek die mooiste huis in die buurt hê en met die duurste BMW ry, maar my vrou en kinders geniet nie die weelde van my teenwoordigheid nie, dan is ek so waardeloos soos 'n bankkrediet met 'n nulbalans.

Al het ek die gawe van woorde sodat ek 'n direksie met my argumente kan swaai, of skares na my preke kan laat stroom, en ek het nie die liefde om na my kinders te luister nie, doen ek meer kwaad as goed.

Al ken ek die geheimnisse van die Beurs en die Reserwebank, en al besit ek al die kennis van rugby - en krieketreëls, en al het ek al die geloof dat ons hierdie land met gebed kan verander, maar ek het nie die liefde om my kinders die gevare van baie geld te leer, langs die baan te staan as hulle speel of hulle te leer bid nie, dan het ek niks bereik nie.

Al gee ek 'n dubbele tiende vir die armes, en al beroem ek my dat ek in elke liefdadigheidsraad op my dorp dien en vakansies my gesondheid opoffer om in malariagebiede sendingwerk te doen, en ek is te moeg om saans vir my kinders boeke te lees of naweke in die veld te gaan stap, baat dit my alles absoluut niks.

'n Pa wat liefhet, is geduldig met kinders wat sukkel met wiskunde,

'n Pa se liefde is vriendelik met 'n kind wat nie wil rugby speel nie, hy is nie afgunstig op pa's met slimmer en mooier kinders nie, hy is nie grootpraterig en verwaand oor sy kinders se prestasies nie,

'n Pa se liefde handel nie onweloweglik met die ma van sy kinders nie, soek nie sy eie belang sodat sy huismense laaste kom nie, is nie liggeraak en nukkerig as 'n kind bietjie ekstra aandag soek nie.

'n Pa wat sy kinders liefhet, hou nie boek van hulle foute en peper hulle nie met verwyte nie.

'n Pa verbly hom nie oor 'n kind se foute met: "EK het jou gewaarsku maar jy wou nie luister nie" Hy is verheug as hy sy kinders die waarheid hoor praat - selfs tot hulle eie nadeel.

Daarom wil ek my kinders se skandes met liefde bedek, in hulle glo, die beste vir hulle hoop, en hulle kleredrag, klaery en kritiek verdra.

'n Opregte drukkie en 'n intieme gesprek van 'n ouer bly lank in 'n kinderhart. Maar die preek of toespraak wat ek liewer in die tyd wou skryf sal oormôre weer vergeet wees.

Van dag se noterings op die aandeemark is volgende week niks werd nie.

In die lig van die Volmaakte wat kom, word al my kennis en besittings gerelativeer.

Toe ek 'n jong man was, was ek gesteld op my voorkoms, my motor en my geleerdheid, maar nou dat ek 'n pa geword het, wil ek graag my kinders met liefde, balans en geloof grootmaak.

Nou kyk ek nog vas teen rebelse tienergesigte, maar eendag as hulle groot is, sal hulle verstaan wat ons hulle wou leer, en wat God ons almal leer.

En nou:

Geduld, aanmoediging en liefde bly, Maar die waardevolste hiervan is onvoorwaardelike liefde!

Met liefde van 'n pa.

(Skrywer onbekend - ontvang per epos)

Besoek ons gemeente se webwerf en kyk onder

Die Koffiepot
vir Volume 1-3 van
Ouers in Harmonie en
nou **Gesinne in Harmonie!**

Bediening vir Diens

Peet Dorfling

Telefoonnummer:
084 464 7102

Epos:
peet@productivitysa.co.za

Taakspan vir Gesinne

Basson Geldenhuys

Telefoonnummer:
071 6488 656

Epos:
basson.geldenhuys@dpw.gov.za

Taakspan vir Vroue

Brenda Barnard

Telefoonnummer:
082 453 8421

Epos:
lspreeth@sars.gov.za

Taakspan vir Senior Lidmate

Ds Dirk van Zyl

Telefoonnummer:
084 038 8993

Epos:
caddvanzyl@absamail.co.za

Taakspan vir Jeug

DJ Muller

Telefoonnummer:
083 420 2217

Epos:
djennadia@gmail.com

Taakspan vir Kinders

Lita Spreeth (Red.)

Telefoonnummer:
082 453 8421

Epos: lspreeth@sars.gov.za

Manne Oase

Pieter Malan

Telefoonnummer:
082 444 1112

Epos:
phmalan@gmail.com